

**Mr. Jasmin JAJČEVIĆ**

*Društvo arhivskih zaposlenika Tuzlanskog kantona*

jasmin.jajcevic989@gmail.com

ORCID: 0000-0003-0760-6091

UDK/UDC: 930.25(497.6 Tuzla) (047)

## **Izveštaj sa Međunarodne arhivske konferencije “3. TUZLANSKI ARHIVSKI DANI”, Lukavac, 23. i 24. septembar 2022. godine**

U organizaciji Društva arhivskih zaposlenika Tuzlanskog kantona održana je dvodnevna Međunarodna konferencija pod nazivom „3. Tuzlanski arhivski dani“, 23. i 24. septembra (petak i subota) 2022. godine, u Hotelu „Senad od Bosne“ u Lukavcu (Modrac).<sup>1</sup> Otvaranje konferencije je upriličeno 23. septembra 2022. godine, sa početkom u 18 sati u konferencijskoj sali Hotela „Senad od Bosne“. Cilj konferencije bila je razmjena znanja i iskustava na vrlo aktuelnu i značajnu temu: *Arhivske asocijacije – značaj i doprinos razvoju i unapređenju arhivá i arhivske djelatnosti*. Učesnici i izlagači na konferenciji, bili su eminentni stručnjaci iz Bosne i Hercegovine, Hrvatske, Srbije i Slovenije. Predstavljeno je 14 radova/izlaganja na navedenu temu. Sponzori konferencije bili su: „Itineris“ d.o.o. Tuzla i „Kabas“ d.o.o. Sarajevo.

Na konferenciji je održana i promocija časopisa „Arhivski pogledi“



Prilog 1. Plakat konferencije  
„3. Tuzlanski arhivski dani“.

<sup>1</sup> Vidi više: *Počela konferencija 3. Tuzlanski arhivski dani* (prilog RTV7 Tuzla): <https://youtu.be/1eRQBtOGocI>. (Pristup: 30.12.2022); *Najava konferencije, Glas TK*: <https://glask.ba/medjunarodna-konferencija-3-tuzlanski-arhivski-dani/>. (Pristup: 30.12.2022); *Gostovanje predsjednice Organizacionog odbora konferencije „3. Tuzlanski arhivski dani“ na RTVTK povodom otvaranja konferencije (jutarnji program)*: <https://youtu.be/hst0PzrruE4>. (Pristup: 30.12.2022); <https://historiografija.ba/article.php?id=1413>. (Pristup: 30.12.2022); <http://www.bhstring.net/tuzlauslikama/tuzlarije/viewnewnews.php?id=107070>. (Pristup: 30.12.2022).

br. 2, te postavka gostujuće izložbe Arhivističkog udruženja Bosne i Hercegovine pod nazivom „Arhivističko udruženje Bosne i Hercegovine 1954-2022. godine”.

U uvodnom dijelu prisutnima su se obratili i skup pozdravili:

- Hatidža Fetahagić, prof. predsjednica Organizacionog odbora konferencije “3. Tuzlanski arhivski dani”,
- Dr. sc. Vlatka Lemić, Sveučilište u Zagrebu, u ime ICARUS Hrvatska,
- Lela Pavlović, direktorica Međuopštinskog historijskog arhiva Čačak u ime Arhivističkog društva Srbije,
- Nada Čibej, direktorica Pokrajinskog arhiva Koper u ime Arhivskog društva Slovenije,
- Spomenka Pelić, direktorica Kantonalnog arhiva Travnik u ime Arhivističkog udruženja Bosne i Hercegovine,
- Mr. sc. Sejdalija Gušić, u ime Arhivističkog udruženja u Federaciji Bosne i Hercegovine,
- Dr. sc. Ivo Orešković, Državni arhiv u Dubrovniku.



Prilog 2. Otvaranje konferencije „3. Tuzlanski arhivski dani”, Lukavac, Hotel “Senad od Bosne”, 23.9.2022. godine.

Nakon otvaranja konferencije i obraćanja gostiju održana je promocija drugog broja časopisa “Arhivski pogledi”, čiji je izdavač Društvo arhivskih zaposlenika Tuzlanskog kantona. Promotori časopisa bili su: mr. Nada Čibej (Pokrajinski arhiv Koper) i mr. sc. Omer Zulić (Arhiv Tuzlanskog kantona).

Po okončanju promocije časopisa uslijedilo je otvaranje izložbe Arhivističkog udruženja Bosne i Hercegovine pod nazivom „Arhivističko udruženje Bosne i Hercegovine 1954-2022. godine”. O izložbi je govorila predsjednica Upravnog odbora Arhivističkog udruženja Bosne i Hercegovine (direktorica Kantonalnog arhiva Travnik), Spomenka Pelić, a izložbu je otvorio prof. dr. Izet Šabotić, dugogodišnji predsjednik Arhivističkog udruženja Bosne i Hercegovine (profesor Filozofskog fakulteta Univerziteta u Tuzli).

Planirana predavanja Međunarodne arhivske konferencije "3. Tuzlanski arhivski dani" bila su usmjerena na temu *Arhivske asocijacije – značaj i doprinos razvoju i unapređenju arhivâ i arhivske djelatnosti*, a ista je realizovana u dvije sesije i to:

### Prva sesija

1. Dr. sc. Vlatka LEMIĆ, *Sveučilište u Zagrebu, ICARUS Hrvatska (Hrvatska), Profesionalizacija i opstojnost arhivske struke u suvremenom društvu: doprinos udruga razvoju kompetencija i znanja.*
2. Mr. Nada ČIBEJ, *Pokrajinski arhiv Koper, Arhivsko društvo Slovenije (Slovenija), Uloga Arhivskog društva Slovenije u razvoju arhivistike i arhivskog zakonodavstva.*
3. Slobodanka CVETKOVIĆ i Lela PAVLOVIĆ, *Istorijski arhiv Požarevac (Srbija), Međupštinski istorijski arhiv Čačak (Srbija), Aktivnosti Arhivističkog društva Srbije na unapređenju struke (1954-2022).*
4. Radoslav ZARADIĆ, *Hrvatsko arhivističko društvo, Splitsko-dalmatinska županija (Hrvatska), Tek nam je 68 – Hrvatsko arhivističko društvo.*
5. Prof. dr. Izet ŠABOTIĆ, *Univerzitet u Tuzli (Bosna i Hercegovina), Doprinos strukovnih arhivističkih udruženja razvoju bosanskohercegovačke historiografije, na primjeru časopisâ: Glasnik arhivâ i Arhivističkog udruženja Bosne i Hercegovine i Arhivska praksa*
6. Mr. Spomenka PELIĆ, *Kantonalni arhiv Travnik (Bosna i Hercegovina), Značaj Arhivističkog udruženja Bosne i Hercegovine na edukaciji arhivskih kadrova kroz projekat „Savjetovanja“.*
7. Mr. Omer ZULIĆ, *Arhiv Tuzlanskog kantona (Bosna i Hercegovina), Doprinos Glasnika arhivâ i Arhivističkog udruženja Bosne i Hercegovine, na razvoj arhivske službe Bosne i Hercegovine i edukaciji arhivskih kadrova.*
8. Mr. Sejdalija GUŠIĆ, *Arhivističko udruženje u Federaciji Bosne i Hercegovine (Bosna i Hercegovina), Doprinos Arhivističkog udruženja u Federaciji Bosne i Hercegovine na razvoj i unapređenje arhivske službe Bosne i Hercegovine.*

9. Mr. Marijana TODORVIĆ BILIĆ i Vesna ĐAIĆ-ŠKONDRIĆ, *Arhiv Republike Srpske (Bosna i Hercegovina), Doprinos Udruženja arhivskih radnika Republike Srpske razvoju arhivske djelatnosti i promociji arhivske građe kao kulturnog dobra.*



Prilog 3. Učesnici konferencije „3. Tuzlanski arhivski dani”.

### Druga sesija

1. Husein HADŽIĆ, *Arhiv Unsko-sanskog kantona (Bosna i Hercegovina), Društveno korisne aktivnosti Društva arhivskih radnika Unsko-sanskog kantona.*
2. Mr. Adnan TINJIĆ i Hatidža FETAHAGIĆ, *Društvo arhivskih zaposlenika Tuzlanskog kantona (Bosna i Hercegovina), Edukacija arhivskih kadrova kroz projekte Društva arhivskih zaposlenika Tuzlanskog kantona.*
3. Selma ISIĆ i mr. Jasmin JAJČEVIĆ, *Društvo arhivskih zaposlenika Tuzlanskog kantona (Bosna i Hercegovina), Centar za istraživanje moderne i savremene historije Tuzla (Bosna i Hercegovina), Izdavačka djelatnost Društva arhivskih zaposlenika Tuzlanskog kantona u funkciji unapređenja arhivske struke i historijske nauke.*
4. Dr. sc. Ivo OREŠKOVIĆ, *Državni arhiv u Dubrovniku (Hrvatska), Put putuje Nuh aga Ivo*
5. Dr. sc. Miroslav NOVAK, *Pokrajinski arhiv Maribor (Slovenija), Statistika i statističke metode u modernoj arhivskoj teoriji i praksi.*

Iz predstavljenih izlaganja na konferenciji može zaključiti da su udruženja/društva doprinijela u razvoju kompetencija i znanja arhivista, razvoju arhivistike kao nauke, unapređenju arhivskog zakonodavstva. Udruženja su uz arhive organizovala jedini vid edukacije arhivskih radnika jer obrazovni sistem u Bosni i Hercegovini, uglavnom ne obrazuje kadrove arhivske struke.

Cilj konferencije bio je da se prezentiraju i iznesu znanja i iskustva vezana za doprinos stručnih arhivskih asocijacija na planu razvoja i unapređenja rada arhiva i arhivskih službi. Konferenciji je prisustvovalo oko 50 učesnika i posjetilaca. Tema konferencije je značajna, jer se htjelo analizirati koliko udruženja zaista pomažu, unapređuju, promovišu, podržavaju arhive i arhivsku djelatnost, te gdje bi trebalo dodatno usmjeriti aktivnosti udruženja kako bi se unaprijedio rad arhiva i pomogao dalji razvoj arhivske djelatnosti. Arhivistička udruženja su strukovna udruženja i u svojim redovima osim arhivskih radnika imaju i stručnjake za informacijske tehnologije, muzeologe, profesore, kulturne radnike i druge stručnjake. Svi članovi rade na dobrovoljnoj osnovi i kao entuzijasti svojim znanjem i iskustvom daju doprinos unapređenju arhiva kao ustanova i arhivske djelatnosti u cjelini.